



Газет 2001-йисан
ноябрдилак акъатзава

Эренлардин СЕС

РД - дин Докъузпара райондин общественно-политический газет.
Общественно-политическая газета Докузпаринского района РД.

№15 (789) 12-Апрель, арбе, 2017-йис. Почтамптдай зур йисан кьимет - 226 манат

РАЙАДМИНИСТРАЦИЯДА

2017-йисан 10-апрелдиз, Докъузпара райондин муниципальный тешкилатдин заседанийрин залда райондин МО-дин Кьил К.С.Абасова нубатдин совещание ачухна Йикъан совещаниедал акъвазнавай кьилин месэлайр тир;

1) Чилериз ва квалериз шагъадатнамаяр гъазурунин кваллахрикай (жавабдар-А.М.Алискеров);

2) Къаналриз яд ягъунин кваллахрикай (жавабдар-А.М.Парванаев);

3) Зир-зибил акадарзавай «урнаяр» алай чкаяр ми хьй кьайдада хуьн патахъай, бетондин ва ракъун жугъунралди кевуникай (жавабдар-А.М.Парванаев);

4) Райондин сергъятрай фенвай кьилин рехъ ишигълаван авуникай (жавабдар-А.М.Парванаев);

5) Районда кардик квай мисклинриз, спортдин, яшайишдин ва экономикадин хилерихъ галаз



алакъалу са бязи дараматриз, майданриз «зеленкаяр» гъазуруникай (жавабдар-М.З.Меджидов);

6) Кьилин рекъерин фураар авай чкаяр чиргъедив ацлур хъулуна, рекъер гуьнгъуна хтуникай; (жавабдар- А.Р.Рамазанов);

7) 14 яшдилак винихъ яшар тамам хъанвай агъалияр

«Госуслуги» порталда регистрация хьуникай (жавабдарбур - хуьрерин администратийрин ва амай идарайрин руководителар).

Гъа ихътин месэлайриз килигуналди, кьарар ва серенжемар къабулуналди нубатдин совещание акъалтйна.

Эдуард ГЪАЖИБЕКОВ

Дагъустан, террордин аксина

Малум тирвал, алай йисан 3-апрелдиз Санкт –Петербург шегъердин «Сенная площадь» ва «Технологический институт» метройрин станцийрин арада,

гъилелди туькьурнавай хъиткъинардай затI кардик кутуна, вагонар галай поезд падна. И нетижадик 14 кас телеф хъана, 50 касдин чанарин сагъламлилиз

хасаратвилер, тадияр гана...



Докъузпарада митинг



8- апрелдиз, пакаман сятдин цудаз Усугъчайдин Гъалибвилин паркуна терроризмдин аксина женг тухунин рекъай тереф хуъзвай акция кыле фена. Акция –митингдал рахай «Докъузпара район» МО-дин кылин заместитель Абдурагъим Алискерова къейдна: «Террориствилин гъерекатри гъихътин бедбахтвилер арадал гъызвайди ятIа, чаз чизва. Дагъустан шумудни садра- Махачкалада, Каспийскда, Буйнакскда и завалдик акатна, гъавилай дагъустанвийри, гъа жергедай яз, докъузпаравийринни Петербургдин метрода арадал атай мусибат рикIера тIал гъатуналди къабулна. Чна Санкт-Петербургда

агъалийрихъ галаз санал гъам чIугвазва, телеф хъанвайбурун багърийриз башсагълугъвал гузва, хасаратвал хъанвайбурун гуъгуъл къачузва. Полицияди, силисдин комитетди ва ФСБ–ди активдаказ кIвалах тухузва, амма халкъдин куъмек галачиз терроризмдин винел гъалибвал къазанмишиз хъун четин я. Чунвири, уълкве тупламиш хъун, чна терроризмдихъ галаз мадни активдаказ женг чIугун, ихътин вагъшивилериз гележегда рехъ тагун герек я». Митингдал экъечIна рахай муниципальный тешкилатдин кылин заместитель С. Я. Гъажимурадова, Докъузпара райондин Дишегълийрин Советдин председатель А. С. Эфендиевади,

Усугъчайдин Х. Заманован тIварунихъ галай СОШ-дин НВП-дин ва ОБЖ-дин руководитель С. М. Саруханова, Мискискарин М. Ахундован тIварунихъ галай СОШ-дин директордин заместитель Амрагъов Видадиди терроризмдин аксина чпин рейсадвал къалурзавай келимаяр лагъана. Митингда саки ирид вишелей –агъзур касдив агакъна райондин хуърерин агъалийри, Усугъчайдин СОШ-дин чIехи классрин аялри ва гъукуматдин къуллугъдин идарайрин векилри иштиракна. Митинг - акция «Чак кичI кутаз жедач!»- лозунгдик кваз кыле фена.

Шагъбала ШАГЪБАЛАЕВ

Шагъбала ШАГЪБАЛАЕВ

Дяве гъеле куътягъ хъанвач

Фикир мийир замана я ислягъ, лагъана,
Бахтавар я, умунди я чи вахт, лагъана.
Эхиримжи алчах душман кукIварна чна,
Рейхстагдин кукIвал тунай пайдах, лагъана...
Ваъ, азизбур, гъалатI жемир, жаллатIвилин цуърц
ХкечIнава вахтуникай-«зи тахт», лагъана.
ИкI, террорди къунва михъиз сергъятар гилан,
Инсаният, килиг, за вун куътягъда, лагъана.
Хъиткъинзава яшайишдин кIвалерни рекъер,

Низамсузвал-гъа им я чи силлагъ, лагъана.
Гъелбетда, чун къейибурун сиягъда авач,
И рекъени гел тухузва-агакъда, лагъана.
А женгина яракъ я чи анжах уяхвал,
Ам квадратна виже къведач, гъич шак тагъана:
Чун аскерар хъун лазим я алай девирда
Сагъламвилин къайгъуда чи, икрагъ тахъана.
Шагъбаладин и эвер чун гъахълу синагъ я,
Чи къуватрихъ террордин аксина Аллагъни гала!

Революциядин лепеди гайи нур...

(Чехи инкьилабдин 100 йисаз талукъ яз...)

Уьлкведин кьурулушда жезвай еке дегишвилериз «Революция» лугьуда. 1905- йисуз чи уьлкведа сифте яз революциядин гьерекат башламишна. А вахтунин пачагь тир II Николая вири кьуватар эцигнавай самодержавиядин, яни монархиядин власть квадар тавун патал. Николаян буйругь ихьтинди тир: «Холостых залпов не давать, патронов не жалеть». Алан фикир революциядин лепе ивида батмишарун тир.

XX- асирдин сифте йисара Урусатдин чилел арадал атай революциядин лепе 1905-йисан 9-январдин вакъияйрилай башламишна. Тарихдин щарара и югь «Ивияр экъичай гьяд» (Кровавое воскресенье) лагъана гьатна. И сифте башламишай революциядин лепе дуьньядин гзаф пипериз чкIана. Дагъустанда и вакъияйриз куьмек яз революциядин пайдах сифтени- сифте заводрин ва фабрикайрин фялейри хкажна. Фялейрин, лежберрин, аскеррин ва клелзавай жегилрин революциядин гьерекатдин гуьзчивал цийиз тешкилнавай социал-демократрин идарайри кьиле тухузвай. Ихьтин сад лагъай идараяр 1904-йисуз Порт-Петровск (Махачкъала) шегьерда К. Головачевскидин, В. Казаринован, О. Лапухинадин, И. Малыгинан, Дж. Атаеваен, И. Алиеван, А. Алиеван, Ш. Таркинскидин, стхаяр тир Петренкойрин, Темир-хан -Шура (Буйнакск) шегьерда Жамалутдин Коркмасован, Махач Дахадаеван, М. Хизроеван, П. Ковалеван, А. Дибировандин, М. Никитинадин, С. Бурштейнан, Т. Темирован, Дербент шегьердани Успенскийдин, Ибрафилован, Гамзаеван ва Саруханован кьилин иштиракчивал аваз вилик физвай. Петербургда кьиле феи вакъияйрин таъсирдик акатна «Каспийская мануфактура» фабрикадин, Петровск портунин, Петровск - Кавказ депондин фялейрни забастовкадиз кьарагъна.



1905-йисан февралдин вацра кьиле физвай гьерекатриз куьмек яз Урус ва Дагъустандин миллетрин садвилин иштиракчивал аваз, парча храдай фабрикадин фялейрни бунтовчийрин куьмекдиз кьарагъна. И вахтунда фабрикадин тешкилатдин кьиле акъвазнавайбур, гьи жуьреда революциядин лепе акъвазардатIа, лугьуз гьавалат жезвай. Маса чара тахъайла, фабрикрин кьиле авай девлетлуйри икI лугьузвай: «Фабрикаяр тешкилнава Дагъустан патал», «Дагъустанвияр пачагьдин аксина акъвазна виже кьведач» «Чукурна кIанда, Урусатдай атанвай революциядин бунтовчийр!» Гьа и жуьреда футфа кутаз, абур гьавалат жезвай. 1-майдиз Порт-Петровскда кIвачел акьалтай забастовка, 2000 касдин иштиракчивал авай демонстрациядиз элкьвенанай. Большевикри «Пачагь алуд!» «Яшамшрай кесиб халкъ!»- лугьуз эвер гузвай. Октябрдиз кьиле феи Урусатдин вири миллетрин стачкада еке тир иштиракчивал авуна Дагъустандин рабочийринни. Социал-демократрин идарайрин членри 1905- йисан 17- октябрдиз кесиб халкъдиз чилер ва маса ихтиярар гуда лагъана, пачагьди акъуднавай манифест тапанди тирди, демонстрантриз ашкара авуна. Порт-Петровскдин, Темир-Хан-Шурадин, Дербентдин социал-демократрин тешкилатри сад-

садалай аслу тушиз революция гьалиб авунин кIвалахар кьиле тухузвай.

Дагъустанда кардик квай социал-демократрин тешкилатар, Грозный шегьердин большевикрин гуьзчивилик квай. Кьуватда гьатнавай вири миллетрин, фялейрин кесибрин солдатрин ва матросрин гьерекат мад гужлу авун патал Дагъустанда революциядин центр тешкилун чарасуз тир. Гьа и кардал бинелу хьана 1906- йисуз Дагъустанда РСДРП-дин Д. Коркмасован, М. Дахадаеван, М.Н. Хизроеван, П.Ковалеван, И. Малыгинан иштиракчивал авай тешкилат арадал гъана. 1906- йисан 18- июндиз Порт- Петровскдин кьерехда 200 касдин, абурукай 20 аскердин иштиракчивал авай митинг кьиле фена. Алай месэла 1906-йисан 13-майдиз кьиле феи гьукуматдин Собранидикай тир. Адан мана ихьтинди тир: «Правительство ясно показало, что оно не хочет дать народу ни земли, ни прав, ни воли, ни амнистии». 1907- йисан 18-мартдиз И Малыгинан гуьзчивилик кваз Порт- Петровскда, Париждин коммунадин йисаз талукъ тир рахунар кьиле фена. Фялейрин гьерекатдал бинелу яз, кесибар, аскерар, клелзавай жегилар аздавал патал дяведиз гьазур жезвай.



Революция гъалиб хъун патал, халкъдин патаз армия агун чарасуз тир. Гъа иниз килигна социал-демократрин тешкилатри армия халкъ патал гъиз, зегъмет члугвазвай.

И кардиз чешпелу яз, Кавказда сифте сеферда 83-Самурдин пехотадин аскерри Дишлагарда (Сергокалада) ягъунар къуна, 1906-йисан 17-июлдин йифен сятдин къведаз Самурдин тIвар алай полкунин 400 аскер яраклу хъана, кIвачел къарагъна. Къиле фейи ягъунра полкунин командир Лемкуль ва маса офицерар телеф хъана. И къиле фейи вакъийрин хабарар вири Кавказда чкIана. Гуьгъуьнлай Самурдин полкунин ягъунрин къиле акъвазнавай 4 кас: - Самойленко, Голубятников, Чаушев ва Яковенко ягъуниз акъудна. Сифте революциядин йисара Дагъустандин халкъ гъавурда акъуна, урус миллетни зулумкар пачагъ Николаян къанункъайдайрал нарази тирди. И кар сеbeb яз Россиядин пролетариатдин гуьгъуьналлаз Дагъустандин фяле халкъни революциядиз къарагъна. Кесибар революциядиз къарагъарун патал Жамалудин Коркмасова, Махач Дахадаева, Темир Темирова, Дадал Мегъамеда, Мегъамед Шихова Дагъустанда «Крестьянский центр» тешкилна. И тешкилнавай лежберрин центрди ханарин, беглерин чилер вахчун ва самодержавидин гъукумат терг авун патал эвер гузвай. 1905- йисуз и тешкилатди Дагъустандин пилIериз «Ханжалар хци ая!» -лагъана чукIурнавай чарари вири пролетариат сад хъана, дяве тухуниз эвер гузвай. Темир-хан-Шурадин округда кесибри девлетлуйрихъ галаз тухвай дяведи тарихдин чинрачка къуна. Махач Дахадаева хайи хуьруьн агъалийриз-унцукъулвийриз 17-октябрдин пачагъдин манифест тапанди тирди мад сеферда ашкара авуна ва абур девлетлуйрихъ галаз женгиниз къарагъарна. Уллубий Буйнакскиди революциядин гъерекат гужлу авунай Жамалудин Коркмасоваз, Махач Дахадаеваз еке къимет гана. Дагъустанда революция гъалиб хъун патал чпин иштиракчивал кIелзвавай жегъилринни авуна. Урусатдай атанвай студентри А.И. Попова ва А.И. Михайловскиди къил кутун себеб яз, 1905- йисуз Темир-Хан-Шурада

сифте яз чинсбан революциядин тешкилат кардик акатна. 1905- йисуз Темир-Хан-Шурадиз Петербургда 1905- йисан 9-январдиз къиле фейи вакъийрин иштиракчи, студент Михаил Гапунов атана. Ада тухвай таблигъатди Дагъустандин гзаф жегъилар революциядин гъерекатдиз къарагъарна. Гъа и йисуз революциядин гъерекатдиз Дербентдин кIелунин рекъяй чирвилер гузвай идарайрин студентар ва школьникар къарагъна. 1906-йисан декабрдин вацра Дербент шегъерда къиле фейи забастовкадиз чIехи классрин ва юкъван кIелунардай идарайрин студентар къарагъна. 1907- йисан 17-апрелдиз электротехникадин чирвилер гузвай школадин ученикрин гъилай Баку шегъерда авай революциядин гъерекатдин идаради чапдай акъудзавай «Молот» тIвар алай 20 газет жагъана. Ихътин жуьреда къиле физвай жегъил революционеррин гъерекатри мад гзаф гужлу ва къуватлу ийизвай кесибар, аскерар ва фялеяр самодержавие чукIурун патал. Тарихдин царарай къенин юкъуз тIварар квахъ тийизвай К. Агъасиева ва М. Айдунбекова революциядин лепе гужлу авун патал Баку шегъерда «Фарух» тIвар алай тешкилат гъазурнавай. 1905- йисан 9-январдиз хъайи садлагъай революция гъалиб хъаначIгани, къиле фейи гъерекатри вири дуьньядин фялейрин ва кесибрин руьгъ хкажана. Революция гъалиб тахуьнин себеб чи миллетрин назик тир алакъа хуьн, садвал авачир ва мягъкем тушир тешкилатар хъун тир. 1910-йисалай революциядин лепе мад гужлу жез эгечIана. И гъерекатдихъ еке хъсанвилерни хъана. 1913- йисан 7-июлдиз пачагъди акъуднавай къарардалди 70 агъзур кас кесибар девлетлуйриз гузвай харжуникай азад хъана. 1917- йисан майдин вацра Темир-Хан-Шурада Жамалудин Коркмасован ва Махач Дахадаеван кIенкIевчивал аваз, «Дагъустандин социалистрин десте» тIвар алай тешкилат тешкилна. Адан гуьгъуьналлаз Темирбулат Бейбалатован, Гъажи Алхазован, Зейналабит Батырмурзаеван иштиракчивал аваз, 1917-йисуз Темир-Хан-Шурада театрдин ва литературадин жуьреда революцидин пропагандаяр тухудай идараяр тешкилна. 1917- йисуз

революциядин гъерекатдив еке камар къачуз туна кумык чIалал акъатзавай «Тонг Чолпан» («Пакаман гъед») тIвар алай журналди. Журналдин винел гуьзчивал Жамалудин Коркмасова, Уллубий Буйнакскиди, Махач Дахадаева ва Н. Батырмурзаева тухузвай. Революциядин гъерекатдиз жегъилар желб авун патал еке тир зегъмет чIугуна МГУ-дин студент, революционер Уллубий Буйнакскиди. 1917- йисан 3-апрелдин нянихъ Финляндиядай Петрограддиз Владимир Ильич Ленин хтана. Чи регъбер гуьзлемишзавайбурун арада дагъустанвиярни авай. Революция гъалиб хъун патал вири Россиядин пролетариат сад хъун чарасуз тир. Гзаф дагъустанвийри урус миллетдихъ галаз Петроградда ягъунра иштиракна. Эндрей хуьрйяй тир Насрудин Аскерова, гъиле яракъ къуна, Петрограддин пролетариатдин дестедик кваз, революциядин ягъунра иштиракна. Зимний дворец къачурбурун жергеда Мегъамед Дибирчуев ва Алибег Мегъамедханов хътин рухварни гъатна. Лезги, къегъал хва М.В. Лезгинцева вичин тIвар дуьньядиз машгъур авуна. М.В. Лезгинцев (Мегъамед Гуьсейнов) тарихдин царара октябрдин вацра къиле фейи, гъиле яракъ аваз, гъукуматдин аксиниз къарагъай ягъунар тешкилай ва Зимний дворецдал гъужум авур, Николаян гъукум дустагъ авур къегъал хва яз амукънава. М.В. Лезгинцева революционер ва къегъал лезгийрин хци «гъевчи совнаркомдин» член яз «Высший военный финансово-хозяйственный» школадин революционный советдин ва РСФСР-дин финансрин начальниквилдин везифаяр къиле тухвана. М. В. Лезгинцев М. Ахундов, Д. Коркмасов, У. Буйнакский, М. Дахадаев, М. Айдунбеков, Къ Агъасиев хътин къегъал рухвайрин иштиракчивал себеб яз, 25-октябрдиз, цIийи календардалди 1917-йисан 7-ноябрдиз революциядин лепеди нурлу уьмуьрдиз сирнавай рехъ ачухна.

Эдуард ГЪАЖИБЕКОВ

Докъузпарадин пешекар революционер

Алай йисуз Россиядин ва мукьвал сергьятра авай СНГ –дин уьлквейра Чехи Октябрдин инкбилабдин 100 йис тамам хьун кьейдзава. Тарихчийри гьыхтин кьиметгуз хьайитлани, Октябрдин революциядин къазанмишунар чи уьлкведин гьакъикьатда ва яшайишда кар алай, жанлугур хьана. Абуру чаз миллетрин арада дуствал мягкемардай, баркаллу Ватан душманрикай хуьдай, культура ва илим вилик тухудай мумкинвилер яратмишна. Революциядин гьерекатрик докъузпаравийрини чпин пай кутуна. Амма тарихдин алимри чи рухвайрин алахьунрикай, адан къазанмишунрик пай кутуникай лагьанвай ва кхьенвай маракуьлу делилар авач. Шак алач, Н. Самурский, М. Ахундов инкбилабдин невал «алугар хьайи» руьгер авай ксар тир. Усугъчайдила тир, рагметлу Эмирова Гуьзела Къазимегамед Агъасиев душманрин къармахрикай хвена, лугъузва. Ишреф Жаватова «Къалажух ва къалажухвияр» ктабда кхьенва: «Къалажух хуьруьн агъали Асваров Юзбег Къ. Агъасиеван ихтибарлу кас, ам хуьзвайди (телохранитель) тир»... Писатель ва алим Къурбан Акимова миграгъви, вич пешекар инкбилабчи хьайи Абид Эмираслановакай (1898-1937) кхьидайла, къалурнава: «Абид



Эмирасланов Миграгъа Бакудин фяледин хизанда дидедиз хьана. Гада са бубат Чехи хьайила, Ислам бубади ам вичихь галаз Бакудиз тухвана, урус мектебда келиз туна. Бубани Аслан ими инвалидар хьайила, цикъвед йиса авай Абид Баилдин мяденриз Къвалахиз фена, ахпа ам фялейрин гьерекатрин иштиракчи хьана. Абид 1918- йисуз большевикрин партиядин жергейриз гьахьна ва гьа и йисуз нафтлдин фялейрин Союздин килин правленидин членвиле хьана. Азербайджанда Советрин власть гьалиб хьайила, Абид Эмирасланова Бакуда, Генжеда, Закалда ва Шемахида жуьреба-жуьре жавабдар къуллугъар авуна. 1921- йисуз ам Азербайджандин комсомолдин ЦК-дин секретарвиле

хьана, 1933- йисалай адакай Къусар райондин исполкомдин председатель, ахпани партиядин райкомдин сад лагъай секретарь хьана. 1920-1937- йисара Абид Эмирасланов Азербайджандин коммунистрин партиядин ЦК-дин, ВКП(б) –дин Закавказдин крайкомдин ва маса центральный органрин член тир. Ам савадлу ва бажарагълу регьбер хьана. Комвуз агалкъунралди куьтягъна, А. Эмирасланова Бакудин военный дивизияда тарсар гана. 1935-1937- йисара Азербайджандин балугърин трестдин управляющийвиле ва Аз. ССР-дин профсоюздин ЦК-дин председателвиле Къвалахзавайла, ам репрессийрик, яни «буьгътенрин цаярик» акатна. 1937- йисуз А. Эмирасланов са тахсирни квачиз дустагъда туна, гьана кьена. Адан уьмуьрдин юлдаш, къуд аялдин диде Зулгъажени дустагъна, Мордовиядиз акъудна. 1957- йисуз Азербайджандин Верховный суди А. Эмирасланов тахсир квачиз гуьлледиз акъудайди яз гьисабзавай къарар къабулна, Чулав леке алудна. Абид Эмирасланов халкъдихь рикъ кайи, адан бахтлу уьмуьр патал вичин къуватар гъайиф татай, эхирдай чанни гайи къагъриман хва я...»

Газурайди – Ш. ШАГЪБАЛАЕВ

7-апрель – Виридуьньядин сагъламвилдин Югъ

Хирургиядин отделениеда

Дагъларин ценерив гвай Докъузпарадин ЦРБ-да, вич кардик ахкатай 1991-йисалай кьенин йикъалди халкъдин сагъламвилдин къараваулда мягкемдиз акъвазнавай коллектив кардик ква. Дагълух хуьрерин мишекъат шартлара абуру югъ ва йиф талгъана чпин буржи гьам пешекарвилдин, гьамни намусдин рекъяй баркалла алаз тамамарзава.

Чкадин агъалийрин патай чпиз лайихлу гьуьрмет къазанмишзава. Заз иллаки чпин хиве еке жавабдарвал авай хирургиядин отделениедин работникрин зегьмет, пешекарвилдин ерияр кьейд ийиз кланзава. Адан кбиле 2012- йисан февралдила Камалов Асиф Илмуудинович акъвазнава. «Тади куьмекдин» кьилени –кар алакьдай врач, баркаллу инсан, пешекар

духтур Къенберов Эльмар Къенберович ава.

Таржумагъал: Камалов Асиф Илмуудинович 1987- йисан июлдин вацра Азербайджан республикадин Хачмас райондин Набрань хуьре дидедиз хьана. 2004- йисуз хайи хуьруьн юкьван



школа акъалтIарай жегъил Дагъустандин медакадемиядин лечебный факультетдиз гъахъна. Асифа 2009- йисуз вуз акъалтIарна, Д. Агъмедован ва С. Пашаевадин гъилик элективный курсара кIелна. 2010-2011- йисара А. Камалова РОТЦ –да травматолог-ортопед яз кIвалахна. Вичин къуллугъдин рехъ Докъузпарадин ЦРБ-дани ада гъа винидихъ къейднавай пешедилай эгечIна, кутуна.

Куьруь къейд: Къенберов Эльмар Къенберович 1980-йисуз Мискискарин хуьре къуллугъчидин хизанда дидедиз хъана. 1997- йисуз М. Ахундован тIварунихъ юкьван школа акъалтIарай жегъил гъа и йисуз Дагъустандин государственной медицинадин академиядин лечебный факультетдиз гъахъна. 2003- йисуз вуз акъалтIарна Эльмар Къенберовича профессор С.П. Гъайбатован регъбервилек кваз интернатурада хирургиядин рекъай къилин пешекарвал къачуна, хирургиядин азбука чирна. Ада тади гъалдин куьмекдин Центральный станцияда (ЦСЭМП) вичин кIвалахдин ва къуллугъдин тежриба хкажна. 2007-йисалай Э. Къ. Къенберова чи райондин ЦРБ-да тади гъалдин куьмек агакъарунихъ отделенидин заведишвиле кIвалахзава. Адахъ галаз къуьн-къуьне аваз Камалов Асиф Илмудиновича, Джалалов Икрам Аливердиевича, старший медсестра Гъасанагъаева Душанбеди, медсестраяр тир Къазибекова Гуьлханума, Гъамзабекова Айишата, Мирзоева Эсмереди намуслувилелди чпин везифаяр тамамарзава.

Хирургиядин отделениеда начагъбур патал 10 койка ава. Сифте иниз, вич сагълам туширвиле гъалдикай арза ийизвай кас, ам авай гъалдик килигна, адаз лазим палата ва къаткидай чка чара ийизва. Анализар ийизва, начагъдан къенепатан органри кIвалахзавай тегъер ахтармишзава. Уьзуьр тайнарна, ам сагъарунихъ эгечIзава. Хирургиядин отделениеда агъалихъ галай медицинадин аппаратар ава: рентгенаппарат, эндоскоп, УЗИ, биохимический анализар тухуз жезва. КIвалахда герек жезвай колоноскоп, са чкадай масаниз тухуз жедай рентгенаппарат авач. Отделениеда санузел кардик кватIани, алай аямдин истемешунрив къадайвал, папарин ва итимрин пипIериз пайнавач. Начагъбурувай амай къулайвилерихъ галаз санал телевизордикай хийир къачуз жезва. Палатайра чими, михьи ва къулай я. Начагъбуру тIуьнрин еридилай разивал къалурзава. Хирург Эльмар Къенберовича къейдзавайвал, чи дередин инсанар юкьван гуж ацалтуник (грыжа позвоночника), ивидин дамарар зайиф хъунихъ, давленияр хкаж хъунихъ галаз алакьалу азаррик мукьвал-мукьвал начагъ жезва. Инсульди эхиримжи вахтара агъавалзава. ИкI ятIани, апендицит хъайибур, грыжа авайбур, гъилер-кIвачер хайибур, варикоцеле авайбур операция ийизва. Лап четин гъалда авайбур Ахцега, Дербентда сагъарзава. Чи больницада анестезиолог (наркоз гудай) реанимационный отделениеда кIвалахзавай духтурар тахъуниз килигна лап пис гъалда авай азарлуяр чи ЦРБ-дин «Тади

куьмекдин» машинда аваз, дежурный духтурни галаз Дербентдиз ва я Махачкаладиз рекъе твазва. Хирургиядин отделениедин пешекар духтурар гъар вад йисалай чи республикадин меркезда авай духтуррин устадвал ва тежриба хкаждай ДГМА-дин институт усовершенствования врачей факультета махсус курсара жезва. Къве вацра абуру профессорар тир Гъайбатов Салигъ Пиралиевичавай, Абдулжалилов Мегъамед Къурбановичавай ва масабурувай медицинадин хиле сагъарунихъ цийивилер ва кIвалахдин тежриба, мукьуф чирзава. Асиф Илмудиновича ва Эльмар Къенберовича жегишрин арадани кIвалах тухуззава. Абуру мукьвал-мукьвал мектебриз мугъман жезва. Абуру акъалтзавай несил сагълам къамаг авай уьмьурдин несияр хъун патал, абуруз ичкидин ва наркотикрин таъсирдик акат тавун патал къиметлу лекцияр кIелзава, суьгъбетар ийизва. Эгер гъар са, сагъламвиле къаравулда акъвазнавай пешекарди чпин жавабдарвал Асиф ва Эльмар духтурри хъиз гъисс авуназ, чIалахъ я, сагъламурун жергеяр мадни мягъкем жеда. Амни вахтунда агакъариз хъайи дуьз куьмекдиле аслу я. Гъуьрметлу хирургиядин отделениедин коллектив! Заз Квехъ азарлуяр сагъар хъувунин карда мадни чIехи агалкъунар хъана кIанзава. Къуй Квелай абуру зегъметда къазанмишиз алакьрай! Мергъяматлу къуллугъдин рехъ киле тухун патал Квехъ сагъламвал ва руьгъдин кIубанвал хъунни чи мурад я.

Шагъбала ШАГЪБАЛАЕВ

КЧС-дин заседание

И мукьвара Докъузпара райондин КЧС-дин (комиссия по чрезвычайным ситуациям) заседание киле фена. Ана Докъузпара райондин Къил Керимхан Абасова, райондин Собранидин депутатри, РФ-дин МВД-дин «Ахтынский» районрин уртах отделдин начальник Малик Агъмедова, КЧС-дин председатель, райондин къилин заместитель Адил

Шагъвердиева, райондин УСХ-дин начальник Аким Гъажиева, ГО-дин ва ЧС-дин крарин жигъетдай уполномоченный Ренат Агъаметова, райондин ЕДДС-дин начальник Ярагъмед Ярагъмедова, пожарный частунин начальник Агъарза Абасова ва райондин мукьуь идарайринни тешкилатрин жавабдар къуллугъчийри, хуьрерин къилери иштиракна.

Райадминистрацияда киле фейи заседанидал ихътин месэлайриз килигна:

1. Докъузпара райондин сергъятра тIебин газ хатасузвилелди ишлемешунин серенжемар вилив хуьн.
2. Райондин сергъятра къурай



векьер-кьалар цай яна кунин кардиз акси серенжемрин гьакьиндай.

3. Райондин сергьятра 2017-йисан гатфарин муддатда кьамарай, чуьллерай кьезвай юргьар хатасуздаказ ахъаюнун кьвалахар тешкилуни гьакьиндай.

4. Жуьреба-жуьре месэляар.

Заседание А.Шагвердиева ачухна ва иштиракчийриз алай месэляар раижна. Сифте месэладай районрин уртах Самурский управленидин ПТГ-дин инженер К.Агьмедова агьалийри тлебии газ ишлемишунин карда ийизвай асас тахсиркарвилерикай баянар гана. Малум хьайивал, агьалийри гурмагьар, кранар лазим тир кьайдада кардик кутун тавунихъ галаз алакьалу яз, газдин кьуллугьдин пешекарар са бязи четинвилерал ацалтзава. Гьа са вахтунда сертификация авачир газдин приборар ишлемишзавайбурни ава, ихьтин приборри мусибатдин вакъияар арадал гьун мумкин я.

Кьведлагьай месэладиз талукь рахунар Р.Агьметова авуна. Ада гатфаринни гатун вахтунда цаяр кьунин хаталу дуьшуьшар арадал татун патал авуна кьани гьазурвилер, кьвалахар малумарна. Докладчиди РФ-дин Правительстводин пастоновленидал асаслу яз тамарчуьллер цаяр кьуникай хуьнин



серенжемар тешкилдай кьайдайрикай, кьилди кьачуртла, тамар кьуранвай набататрикай, анрин сергьятар цай кьадай зирзибилрикай ва маса затларикай михьунин кьвалахар вахтунда авун герек тирди лагьана. Вири и михьунин месэляар, цай ягьун тавуна тешкилдай теклифар гана. Халкьдин арада гьашемар, кьалар цай яна кун кьадагьа тирди хабардар авунин таблигьат тухунин чарасузвиликайни лагьана. Эгер цаяр кьунин хатасузвиликай тамамвилелди хвенвай дуьшуьшар хьайитла, РФ-дин цаяр кьуниз акси кьуллугьди тайинарнавай кьайдайрал асаслу яз, бязи кьетлен дуьшуьшра кьуру набататар тергунин макьсадалди и кьвалах тешкил авуртла жеда. Муькуь дуьшуьшра агьалийриз акатай

чкайрал зирзибилризни векьер-кьалариз цаяр ядай ихтиярар авач.

Пуд лагьай месэладин жигьетдай А.Шагвердиев рахана. Ада гатфарин вахтунда дагьлара живер црайла авахьна кьведай ятар артух хьайила а ятари зарар тагунин макьсадалди тешкилдай ва кьилиз акьуддай серенжемрикай куьрелди ихтилатна. Гьа са вахтунда А.Шагвердиева кьейдна хьи, Докьузпара райондин сергьятар асул гьисабдай тлебиатдин кьетленвилер себеп яз, юргьарин хаталу вакъияйрик акатзава. Ихьтин дуьшуьшра дагьларай кьезвай ятар-юргьар райондин сергьятра авай чьехи кьамарин, вацларин дагьаррай авахьна, зарарсуздаказ алатзава.

Важиблу месэляар веревирд авурдалай кьулухь КЧС-дин векилри талукь кьарарни кьабулна.

Шагьбала ШАГЬБАЛАЕВ

Куругли ФЕРЗАЛИЕВ

Кьуьзую шофердин тарс

Пара затлар герек туш, хва, гьалаллувал хьсан я,
Девлетдила са кап фу, кьел, камаллувал хьсан я.
Гзаф – тимил акуна заз руфун алай гьакимар,
Чеп нефсери бугьазнавай, ченги хьтин итимар.
Халкьдин девлет тараш ийиз акьуднавай тулкьуниз,
Килигзавай гьар рекьемдин гуьгьуьна мад ноль хьуниз.
Кьанихвал, хва, зи кьве вилиз чи гьакимрин акуна,
За кьад йисуз кьве райкомдиз шофер-кьвалах авуна.
Зи улакьда гьамишалугь чка кьазвай гьарамди
Заз кьурху тир: ахгакьдатла, лугьуз, кьвализ сагьламдиз?!
Кичле тир заз пирерални эциг ийиз «садакьа»,
Аллагьсузрин девирда тир и кар, чизва, кьадагьа.
Хевлетдаказ михьивилиз кьуллугьна за намусдин,
Пехилбурни хьанай жеди, заз мас гайи: «Жасуз тир»...
Карагзама вилерикай зи рехь кьени илан хьиз,
Иландини хуькуьрдач вак тухвайтла жув, инсан хьиз.

МУБАРАКРАЙ!

Райондин спорткомитетдин
председатель Агьашериф
Магьсудович Агьашириноваз:

**Ваз хайи югь мубаракрай,
Уьмуьр кьубан, сагьлам хьурай.
Дережаяр вине хьана,
Рикле гьевес, илгьам хьурай!
50 йис мубаракрай,
Берекатри рак ачухрай!**

Ваз юбилей тебрикзавай ви
хизан, вири багьрияр ва ярар-дустар.

Мубаракрай!

Дагъустандин театрдин искусство еримлу авунин карда лайхлувилерай ва яратмишунрин хиле гъакъисагъвилелди зегъмет чугунай Лезгийрин СтIал Сулейманан тIварунихъ галай госмуздравтеатрдин актер Эдуард Моллаевич Багъишев аз РД-дин Къил Рамазан Абдулатипован 2017- йисан 24- мартдиз 57- нумрадин Указдалди «Дагъустандин халкъдин артист» лагъай гъуьрметдин тIвар ганва.

Агъалийрин фикирдиз!

Газет келзавай гъуьрметлу районгъалияр!

Яшайишдин жигъетдай хуьрера авай гъалар, къилди къачуртIа, хъвадай ва дигидай цин, автомобилрин рекъерин ва маса чарасуз къайдадик куктуна клани кIвалахар, гъал хъвуна клани месэлаяр аваз хъайитIа, абур туькIуьр хъвунин мураддалди чаз чарар кхъихъ. Райондин администрацияди къейдзавайвал, хуьрера арадал къевезвай бязи месэлайрин патахъай чпив хабар агакъзавач. Гъавиляй хуьрерин агъалийриз чпин теклифар, арзаяр ийидай ихтиярар ава.

Райондин Къилихъ галаз сад тир меслятдалди, чун расалмиш жезвай кIвалахар арадай акъудун патал, «Эренлардин сес» газетдин редакциядиз куьн атун ва я тахъайтIа куь чарар рекъе тун вилив хуьзва.

«ЭС» газетдин редакция

Гъуьрметлу газет келзавайбур!

«ЭС» газетдин редакцияди квевай тIалабзава, райондин идарайриз ва тешкилатриз авай суалрин патахъай редакциядиз чарар кхъин. Чи редакцияди куь суалриз жавабар гуда.

Утерянный аттестат о среднем образовании серии А за №387045, выданный в 1990 - 1991уч. году Усучайской средней школой Докузпаринского района РД на имя **Мисрихановой Назлу Агахановой** считать недействительным.

Утерянный аттестат об среднем общем образовании серии А за №5496441, выданный в 1999 - 2000уч. году Микрахской средней общеобразовательной школой Докузпаринского района РД на имя **Рамалданова Даира Иждаровича** считать недействительным.

Миграгърин юкъван школадин коллективдин патай
Миршидова Зуьгъредиз къари
Миршидова Сафура
вахтсуздаказ кечмиш хъунихъ галаз алакьалу яз
башсагълугъвал гузва.

Миграгърин юкъван школадин коллективдин патай
Ремиханова Марьянадиз апай
Ремиханов Мегъемедрагъим
вахтсуздаказ кечмиш хъунихъ галаз алакьалу яз
башсагълугъвал гузва.

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:

Докузпара райондин
администрация,
Дагъустан Республика

Учредитель:

Администрация Докузпаринского
района, Республика Дагестан

Къилин редактор:

Э.А.ГЪАЖИБЕКОВ

Жавабдар секретарь:

А.Э. ЭМИРСУЛТАНОВ

Хусуи корреспондентар:

Ш.О. ШАГЪБАЛАЕВ
К.Н.ФЕРЗАЛИЕВ
В.С.АГЪАМУРАДОВ
З.Э. МЕДЖИДОВА

Корректор:

Ш. ШАГЪБАЛАЕВ

Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чапзавай вахт - 17:00

Тираж 1200

Редакциядинни макъалайрин авторрин фикирар сад тахъун муькин я. Макъалайрин делилрин дуьзвилини патахъай жаваб авторри чпи гуда. Макъалайриз рецензия гуьвач ва абур элкьвена вахкузвач. Мадни, чпин макъалайра дегъишвилер тунал, къилер дегъишарунал рази тушир мухбирривай чна абур редакциядиз ракъур тавун тIалабзава.

Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докузпара
район, Усугъчай хуьр,
тел.8 (8269) 22-345
e-mail: erenlar2001@mail.ru
Наш сайт: www.erenlar.ru